



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 171. De bonis traditis in villis Dysieldeshus et Bardonhus in pago  
Suilbergi.

**urn:nbn:de:hbz:466:1-36114**

## §. 170.

Tradidit todo in *redberesbus* (Y) mansum unum cum familia testef osman (Z) uual rodulf maynheri.

gubernante Corbeiam Warino.

tradidit folchard pro anima fratris sui mansum med. in *bulibem* (a) et in *wuegballidi* (b) testef folcdag ecbert bernger dagrim.

## §. 171.

Tradiderunt uuilli et auen in *dysfeldefbus* (c) quidquid ibi habuerunt testef bennuco alfgar rayndag.

tra-

non immerito deducitur nomen *guerra*, *gera*, et *werra*, id est, bellum. In quonam pago ille *Theidger* comitatum suum habuerit, incertum est. Si inter coheredes ducis Ostfalorum Hessi *Theidger* reperiretur, habere eum vellemus pro fratre *Hrodgeri* comitis, e domo Brunoniana procreati. Sed nihil definimus.

(X) De *Marcodone* comite ea vide, quæ ad §. 106. commentati sumus.

De Marcodone comite.

(Y) *Redberesbus* villa, in Registro nostro posita, inuenitur in pago *Guddingo*. De villa De pago *Guddingo*; intra dynastiam *Homburgicam*, seu ut accuratius loquamur, intra tractum *Lauensteinensem* reperiendo, iam egimus supra §. 7. *reshus*. nor (n) Intelligimus ergo designari per villam *Redberesbus* vicum *Redhardesfen* seu *Rade*, haud procul a *Bruntkenfen* vico, et *Marienhagen* situm in radicibus montis *Nied*. Mons hic adpellatur alias *Gigbat*, *Ist* et *Nied*, discernens praefecturas *Wichenensem* et *Lauensteinensem* ad Orientem australem. Varios habuit ea villa dominos. Modo enim ipsa paruit progenitoribus de *Northem* comitum. *Todo* enim, qui in hac villa quædam donauit, nobis *Theodhardus* videtur, de quo egimus §. 104. not. (r). Modo paruit villa *Dominis* de *Hoinboken* dictis, quorum dynastia sita erat inter *Lauenstein*, *Gronau*, *Alfelde*, *Grene*, atque *Homborg*, prouti diplomata nostra approbant. Modo ipsa paruit dominis, de *Rottingen* dictis, modo dynastis *Homborgicis*, modo *Dominis* de *Steinberg*; modo dominis de *Bock*. Nunc vero serenissimis Ducibus paret *Brunswico-Luneburgicis*. Ad hos corymbos faciunt multa et egregia documenta litteraria, quibus in *Clientela Corbeiensi* erit locus.

(Z) De *Osmanno* vid. supra §. 20. not. (H)

De Osmanni nomine.

(a) Hic memoratur dominus quidam, cui *Folchardus* nomen, qui per probabilitatem est *Folchardus* ille, cuius meminere traditiones supra §. 130, quæ illum filium *Deddi* atque *Albe* nominant. Villam enim *Bulibem* ponit Registrum nostrum in pago *Lagne*, intra principatum *Göttingensem* collocando, ut iam supra §. 33. not. (u) demonstraui. Per *Bulibem* villam ergo designari intelligimus vicum *Bible* in dynastia *Hardenberg* intra *Göttingensem* principatum, *Northemium* inter prope montem et geminam arcem *Hardenberg*.

(b) *Wegballidi* villa in nostro Registro itidem posita censetur in pago *Lagne*. Sed affirmare non audemus, vicum *Wibbeke* per eam designari in dynastia *Adelipfen* situm, in principatu *Göttingensi*. Maior enim discrepantia inter *Wibbeke* et *Wegballidi* intercedere videtur, quam ut hic locus aduocari posset. Nisi est ea villa vicus *Wibbeke*, respiciendum est ad vicum quemdam dynastiae *Hardenbergicæ*, quem venditores ahenorum crebri incolunt.

(c) Villa *Dysfeldefbus* erat, testante Registro nostro, in *Suilbergi* pago, de quo con-

N n 3

De villa Dyfeldefbus.

Ab anno 826 vsque 853 imperante Hludouico et tradidit uiguit in *bardonbus* (d) quidquid ibi habuit hoc tamen pacto ut ipsa quam diu uixerit illud possideat testes runheri beuo haold.

## §. 172.

Tradidit tetta in *uuergesi* (e) ex parte aquilonali et orientali X iurales testes sunt . . . . .

## §. 173.

Tradidit tietgeruf quidquid habuit in *ameleuesbus* (f) pro anima tietgeri et tuide prope enim mansum habet testes hildulf tiedric godefman et alii X.

tradidit marchold pro se et fratre suo asi quidquid in farto hoc est in *amalefbus* (g) ad illos pertinebat litum scilicet cum familia unum et quidquid in

fer supra §. 167. not. (Q) Locus uocatur nunc Dassenfen, conspicuus in praefectura Rotenkirchen.

(d) *Bardonbus* villa reperiebatur olim eodem in pago *Suilbergi*. Designari intelligimus per eam vicum *Barshufen* seu *Barshufen* in *Wolferbutteleitfif* Principatus praefectura *Grene* haud procul a vico *Wentzen* situm. Locus unius miliaris interuallo distat ab oppido *Einbeck*, quod oppidorum Principatus *Grubenhagici* principatum tenet.

De villa  
Bardon-  
hus.

(e) *Wergesi* villa in pago existit *Auga*, teste Registro nostro. Indicatur sine vilo dubio vicus *Wirjesen* ad *Wiseram*, vnum milliare et dimidium a nostra *Corbeia* distans. Habent in *Wirjesen* domicilium equestre nobiles domini de *Wreden*. Disiungit *Visurgis* *Wergesi* villam ab *Heristallo Saxonico*, loco, in *Annalibus Rerum Francorum* celebratissimo. Hic enim anno 798. *Carolus M.* cum exercitu hiemauit. Huc ipse *Pipinum* de *Italica* et *Hludouicum* de *Hispanica* expeditione regressos ad se venire iussit. Hic legatos *Hunorum*, cum magnis muneribus ad se missos, audiuit atque dimisit. Hic *Adelphonfi* regis *Asturicae* et *Galeciae* legatum, ipsi dona adferentem, suscepit. Hic totum hyemis tempus ad redigendam in ordinem *Saxoniam* impendit. Hic natalem domini et pascha celebrauit. Hinc collecto exercitu ad locum, qui *Minda* dicitur, mouit, et contra desertores fidei, inter *Albim* et *Wiseram* incolentes, peragrauit totamque obiuit *Saxoniam*. Retulerunt ita *Regino*, *Adelmus*, *Poëta Saxo*, *Eginhartus* in *Vita Caroli Magni* aliique.

De villa  
Wergesi.

(f) Villa *Amaleuesbus* seu, vti in nostro Registro locus scribitur, *Amaleuesbus* erat in pago *Suilbergi* sita. Eum pagum supra §. 167. not. (Q) collocauimus maxima ex parte in comitatu *Dasseliensi*, atque designari intelleximus l.c. per hanc villam vicum *Amelsen* in praefectura *Hundefrueck* in episcopatu *Hildesensi*, vno milliari distantem ab vrbe *Einbecka*, loco Principatus *Grubenhagici*. Infra in his traditionibus eadem villa aliquoties recurrit. Bona autem in eodem vico *Amelsen* ab abbatibus *Corbeiensibus* in feudum data sunt quibusdam ciuibus *Einbeccensibus*, quos patricios uocant, a quibus et ea vsque in hodiernum diem feudali iure possidentur.

De villa  
Amale-  
ueshus.

(g) *Amalesbus* villa distinguitur ab *Amaleuesbus*. Quemadmodum enim haec in *Suilbergi*, ita illa in *Tilitibi* pago reperitur, teste Registro nostro sapissime excitato. Pagus *Tilitibi* erat ad *Wiseram* in praefecturis *Gronde*, *Ofen*, *Artzen*, *Ottenstein* et circa urbem *Hameloa* positus, vti iam supra ostendimus. Intelligimus ergo designari per *Amalesbus* vicum *Amelgofen* ad fluuium *Embrinam* (dic *Emmer*) inter *Gronde* et *Hemelschenburgum*, vno milliari ab oppido *Hameloa* situm. Olim locus spectauit ad dynastiam *Artelsen*, vti olim appellabatur, seu *Artzen*, quam

De villa  
Amales-  
hus.